

519 Doch engezŵivelte nie sîn wille.
 diu kûneginne Secundille,
 die Feirefiz mit rîters hant
 erwarp, ir lîp unt ir lant,
 5 diu hete in ir rîche
 hart unlougenlîche
 von alter dar der liute vil
 mit verkêrtem antlützes zil;
 si truogen vremdiu, wilden mâl.
 10 dô sagete man ir umbe den Grâl,
 daz ûf erde niht sô rîches was
 unt des pflæge ein kûnec, hiez Anfortas.
 daz dûhte si wunderlîch genuoc,
 wan vil wazzer in ir lant truoc
 15 vûr den griez edel gesteine.
 grôz, niht ze kleine,
 hete si gebirge guldîn.
 dô dâhte diu edele kûnegîn:
 »wie gewinne ich kûnde disses man,
 20 dem der Grâl ist undertân?«
 Si sant ir kleinæde dar,
 zwei mensch wunderlîch gevar,
 Cundrien unt ir bruoder clâr.
 si sante im mêr dennoch vûr wâr,
 25 daz niemen mōhte vergelten;
 man vündz veile selten.
 Dô sande der sîeze Anfortas,
 wander êt ie vil milte was,
 Orgelusen de Logrois
 30 disen knappen kurtois.

enzwîvelte *T (nur TO)

unde es (sin I) pf. *G (nur G)

e. steine. *T (nur T)

Versfolge 519.30–29 *T (nur TU)

*D: D *m: m *G: G I L Z *T: T U V O

1 Initiale D G I L Z O · Majuskel T 13 Initiale T U 21 Majuskel D 23 Initiale I 27 Majuskel D T

8 antlützes] antlitze ([antl*]: antlitze V) *m (V) 12 unt des] des (Der m) *m 25 mōhte] mohte D